

總政
部
錄

貴陽府志

二十三

貴陽府志卷六十二

知貴陽府事泰和周作楫蔭巖輯

知貴陽府事博白朱德璵經堂刊

錄九

總部錄第八之一

趙廷臣

楊茂勳

卞三元

甘文焜

羅繪錦

佟鳳彩

彭而述

衛紹芳

廷臣字君鄰奉天鐵嶺人後隸籍漢軍鑲黃旗順治二年以恩貢授江南山陽知縣遷江甯府江防同

知以催徵逾限罷十年大學士洪承疇經略湖廣以
廷臣清幹奏請隨軍

上從之十一年授湖廣分巡下湖南道十三年調本省督
糧道十五年九月隨征貴州遂爲貴州巡撫於御批
發印視事時貴州初入版圖官多多未備諸事皆草
創廷臣奏請設文武官於是始置府州縣衛所官設
撫標左右二營置提督於貴陽以李本深爲之提標
下設四營又置總兵於思南以胡茂禎爲之標下置
三營定廣開州鎮遠皆設總兵銅仁黎平各設副總
兵一新添平伐平越黃平偏橋都勻凱里石阡各設

營兵防守又以舊籍盡失請限賦役全書舊從之
大軍駐貴陽者十餘萬需糧甚多而貴州連年兵旱
田疇盡荒糧無所出皆從湖廣接濟明兵猶據思布
銅仁間廷臣恐從間道抄絕糧餉與承疇議通商賈
設操兵以防路饒而明兵投誠者接踵廷臣請安置
其願入伍者給兵糧願回藉者日給米一升遞送貝
勒洛託之至也屢求其眾及信邵王至士卒頗事抄
掠廷臣與承疇言於王請戢之王從之黔民皆大悅
爭投降十六年正月廷臣請蠲荒殘秋糧設官役俾
食又與承疇會題請設驛站皆從之於是貴陽以東

設皇華麓里新添平越清平興隆偏橋鎮遠清溪平
浪十驛以達湖廣貴陽以西設威清平壩普利安並
關嶺查城尾灝新興湘滿亦資孔十驛以達雲南各
設驛馬五十匹又設鋪兵以通文書備兵餉以資草
料及馬夫鋪兵工食則取給於屯糧借備所屯丁以
迎餉餉三月信郡王清雲南承疇以貴州事委廷臣
自率軍赴之貴陽外城及布按二司新貴署及諸橋
梁爲兵火所燬撫標兵亦未建立營房廷臣請興工
作以稅課充費皆從之而土司猶未服廷臣遣人招
撫明指揮班應壽率八百二十人皆來降廷臣請

仍世襲領印信號紙令應壽仍原職駐青巖三月朔
置雲貴總督以廷臣爲之仍駐貴陽以卞三元爲巡
撫三元未到任廷臣兼晚巡撫事四月安置降將楊
光謙於貴陽中曹養龍以總督木瓜諸正副長官皆降
廷臣爲之請襲又疏曰貴州古稱鬼方日城市外四
顧皆苗巢種類數十專爭門殺不知禮義往往急則
用威威激則叛緩則用恩恩極則濫臣以爲風俗無
不可移之鄉爲此無不爲施之地請令土官應襲者
年十三以上令人學習禮由儒學起送承襲其族屬
子弟願入學者聽與漢民一體仕進使知禮義之爲

利則儒教興而悍俗變矣變俗之法又莫如豫制上官夫上舍私相傳授支系不明爭奪所起爭奪不已釀成變亂自今以後歲終令土官各上其世系履歷有無嗣子報布政司布政使當三年入覲豫上其籍於部則承襲時可按籍立辨釁端豫杜矣貴陽思州都勻平越石阡黎平各土司五十八年皆降六月請院丹砂以充餉又請復絲可望所改府州縣衛八月安順銅仁平越思南諸遠三十九土司來降十一月十三元至廷臣始御巡撫任專理總督事十七年吳三桂貢五象

上止之廷臣請概停邊貢以省解送之勞又言雲貴荒竭
以本年秋糧貸爲春種湖南運黔米取耗多寡無定
請定爲三升四月明馬乃止目龍吉兆掠安南泗城
初雲貴既平各土司俱奉職受納京帑吉兆與安南
屯軍王回子爭田相仇殺吉兆因收養亡命造軍器
結民文元胡世昌況榮遠黑把事毛把事謝把事俱
黨附之使人遙結李定國爲聲援約鼠場營頭目龍
吉佐樓下營頭目龍吉刑共反掠泗城水寨及安南
衛阿計屯水橋麻衣山下三阿白屯諸處所過恣屠
戮民皆逃竄廷臣與三元數遣使招之不降乃合疏

請討之十一月廷臣率兵征馬乃分其軍爲三路平

西王吳三桂遣其左營總兵馬寶廣羅總兵趙良

助之十九日破果母寨殺賊數千擒吉兆媳某氏斬

文元胡世昌于陣乘勝攻昨岬寨吉兆閉寨拒守廷

臣圍之十八年二月廷臣令軍士人持一炬投其寨

焚之執吉兆及其黨皆送雲南吳三桂詰之曰爾何

故反吉兆曰我受明朝三百年厚恩欲爲故主報復

社稷爾汝父子世受國恩不能爲先帝報仇背恩從

清又舉兵逼天子使使越蠻緬若如汝者乃眞臣耳

三桂殺之使臣還話修軍器閏七月敘平馬乃功加

廷臣兵部尙書三元兵部侍郎是月分設雲南貴州
總督以三元督雲南甘肅巡撫修延年督貴州而調
廷臣爲浙江總督廷臣多惠政去之日士民擁道號
呼者萬人康熙八年卒於官謚清獻貴州民間之無
不下淚者延年未履任卒以楊茂勳爲貴州總督

楊茂勳奉天人後隸籍漢軍鑲紅旗順治七年以父
都統麟祥薦授大僕寺副理事十三年調兵部督右
理事明年遷吏部右侍郎十六年以給事中楊疏建
言部擬遷陞先後互異事降二級畱任十二月署河
道總督十七年六月授湖廣巡撫十八年閏七月擢

貴州總督猶視事湖廣以卅三元兼理之康熙元年
九月茂勳始至任初李定國使其將劉鼎屯定番廣
順間使張先璧屯黃草壩以爲鼎後繼定國走先璧
亦潰鼎以羊城屯險據之使人誘丹平長官莫之廉
叛應之合兵圍定番提督李本深擊敗之語具本深
錄鼎走之廉家又使人以劄招土司王國柱及金筑
土司王應兆明將盧明臣匿國柱家勸之叛國柱從
之遂犯鎮西李本深使參將王可臣等勦之陣斬國
柱明臣應兆亦布散僞劄招誘遠近苗寨使抗欠官
餉十二月茂勳自率兵討應兆二年正月又使王可

臣討鼎及之廉可臣遂獲之廉語具可臣錄鼎走水
西茂勳至廣順使副將治秉忠率兵先進應兆以衆
三千迎戰秉忠擊敗之走保江崖石寨秉忠與遊擊
王成功席登雲攀山箐冒矢石上攻破其寨斬應兆
及其黨數百人餘衆悉降都勻諸寨自訴爲應兆所
迫乞宥罪願納糧應役事聞加茂勳兵部尙書七月
水西獲劉鼎送貴陽斬之三年正月上元常金印詭
託常遇春後自廣西走水西與故明將皮合稱蕩魯
大將軍湘平伯造印勅招陳鳳麟高岑吉士英米應
貴熊國賢戴勝李萬紫陳國才等又使人招諸土府

潛謀起兵爲同謀人陳大所首悉獲之惟皮熊遁去
五年七月茂勳以苗蠻仇殺難以漢法治上疏曰苗
蠻罔識義理以睚眦相仇殺累世不已故黔記有曰
苗家仇九世休又曰土苗連和國家之害土苗仇殺
國家之利益言以苗弱苗也治之之道與中土異凡
有嘯聚劫殺自當發兵勦除其餘藏匿山箐自相仇
害者第令頭目分辨曲直或願抵命或願賠償處置
得宜俾咸帖服懲創旣立亦必悔悟自新此坐鎮安
邊境之良策也下部議行十一月裁貴州總督仍合
雲貴爲一總督以本三元爲之移駐貴陽明茂勳爲

河南河道總督八年二月以病乞休仍

令致職九月

督撫吏部列茂勳名以有疾上遂致仕十四年四月以察哈爾叛

茂勳爲都統隨征七月凱旋十五年復設鄖陽撫治以茂勳爲之十九年十一月改四川提督三十二年卒

卞三元奉天蓋平人後隸籍漢軍鑲紅旗崇德六年

中鄉榜爲秘書院副理事順治元年授山東登州知

府二年調江南揚州知府三年遷東昌兵備副使隆

慶海道參議十年調湖廣上荊南道十二年調驛鹽

道十三年遷陝西苑馬寺卿十四年授山西按察使尋從征雲貴十五年五月經略洪承疇令守清平初平西王吳三桂自遵義取開州明將李定國使羅大順白水西而東絕

大軍糧道不果至是三桂還遵義大順遂取道款勇陷新添

大軍在貴陽者眾清平守兵無幾大順復襲之三元不能支遂陷事聞鐫三元三級仍署原官調還山西七月承疇使張勇擊走大順復清平新添語具張勇錄十六年三月以三元爲貴州巡撫十一月始至任

三元請開鄉試定科場費又請以正項錢糧製火藥
皆從之於是以承平減半例定貴州解額二十名經
費每科二千兩十七年正月貴陽定番平越黃平饑
三元先發兵米賑之而後聞疏曰貴州自遭兵燹斗
米錢數千貴陽平越黃平定番去歲大旱無收今春
饑斃甚多臣思救民如救火若必待請命而後濟之
則京路往返一萬七千餘里必越四五月方奉

旨臣自災黎豈能忍饑久待臣仰體

聖仁俯發鎮遠所貯楚運兵米三千石卽於拜疏之日開
倉給賑俟秋收撥補疏入報聞又請設貴陽營復畢

節永甯陂池烏撒四處稅以供驛站費貴州兵糧皆仰給湖南舟楫僅抵鎮遠自鎮遠以西皆須陸運民苦於轉輸三元乃閱視撫水諸葛洞有巨石壅斷河津微新鎮道徐宏業等濟之鑿險灘五十三處自鎮遠至黃平水道通利者二百三十餘里又濬辰水自銅仁至湖廣辰溪轉輸稍便復建倉廩於省溪提溪二司以備儲蓄平溪清浪鎮遠偏橋四衛土子明時皆赴貴州鄉試後改赴湖廣土子以武昌選且涉重湖皆不願赴三元請如舊貴州將鄉試而官吏以軍興故多不服請備楚省分考官及供事吏員皆從之